



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

Dominica quarta

[urn:nbn:de:hbz:466:1-52716](#)

quam eamus cubitum, flexis genibus
 examen nocturnum instituamus, con-
 scientiam discutiamus, & an per diem
 plus corpori, quam animæ datum, con-
 sideratè inspiciamus. Subjungatur Psal-
 mus *miserere expansis brachiis.* Fili !
 vis praxin aliam ? quoties inciderimus
 in peccatum (ô si continget nun-
 quam !) statim intra nos recolligamur,
 in terram procidamus, & cum filio pro-
 digo ad cœlum clamemus : *Pater ! pec-
 cavi ! ne intres cum servo in judicium
 tuum.* Dein datâ, & oblatâ occasione
 promittamus confiteri. Latet vipera,
 ubi peccatum : Quis diu intus toleret ?

Dominica IV. post Pentecost.

EXHORTATIUNCULA I.

Ad æterna ! ad immortalia ! fili mi !
 invitamur, dum monet Christus :
Duc in altum. Tandem valedicendum
 sacerculo, pravis desideriis, & cupiditati-
 bus, si cupiamus soli adhærere Christo
 Domino ! contemnenda hæc sunt tran-
 sitoria, si ambiamus cœlestia. O igitur
 nobile donum ! contemptum saceruli !

E 2

In-

Instructio meritoria.

In hoc strenuè nostram exerceamus animam. Quod fiet, si vel hodie ad discursus vanos, inutiles, aut minus Christianos clauserimus aures, aut in honestiores, & exemplarios mutaverimus, aut nos penitus substraxerimus. Venenum quis hauriet? interim pro impetranda erga vanitates solida nausea
34. *Pater & Ave* in honorem totius ætatis & plenitudinis Christi recitemus. Qui cum Christo, mortuus est saeculo.

II.

Laborant Apostoli per totam noctem, & capiunt nihil. Non mirum: In tenebris navigabant. Quæ nox ista? ô fili! nostra peccata! laboremus, quantum possimus, quantum & volumus. Nisi peccata fugerimus graviora, frustra sunt omnia, frustra jejunia, frustra vigiliae, & eleemosynæ! ô stultum laborem! & quoties sic laboravimus?

Instructio meritoria.

Si unquam, vel hodie deploremus ruinam bonorum operum, quam incurrimus quolibet mortali peccato; sed ut recu-

recuperemus denuò , graduales Psalmos
pro opportunitate temporis recitemus
coram Crucifixo , aut SS. Venerabili.
Quid si & actum jungeret Sacri rigoris ?
qui castigat corpus, amicus est Dei. Cor-
pori flagella ! animæ beata gaudia.

III.

In verbo tuo laxabo rete , ait Petrus ad
Iesum. Laxavit : Et ô prodigium !
conclusit ingentem piscium multitudi-
nem ! ô lucrum obedientiæ , ac confi-
dentiæ Christianæ ! profectò plus mi
li ! lucrabimur uno actu humilitatis , &
simplicis obedientiæ , quam si per in-
tegros menses , & annos in pœnitentiis,
in humiliationibus , & corporis castiga-
tionibus nos exerceremus ex propria
voluntate. Quid punit in inferno Deus
nisi voluntatem propriam ? quid gau-
det , & exultat in cœlo , nisi cæca , & hu-
milis obedientia ?

Instruc̄tio meritoria.

Sed h̄ic labor , h̄ic opus est ! quis eō
pertinet ? en ! medium ! nunquam ex-
eamus imposterum S. Confessionale , ni-
si petitō , & obtentō speciali actu Obe-

E 3 dien-

102 Dominica V. post Pentecosten.

dientiæ, quem & nobis ipsis determinemus, ut benedicat Pater spiritualis. Oremus & Feriâ VI. ad pulsum Agoniæ Domini quâm devotissimè, nostrâmque infirmam voluntatem commendemus in vulnera morituri Jesu. Moritur ille, ut vivamus obedientiæ.

Dominica V. post Pentecosten.

EXHORTATIUNCULA I.

Virtutem Pharisaicam hodiernum detestatur evangelium; genuinam verò, & verè Christianam, quæ habetur per humilitatem, & simplicitatem cordis intimam, commendat plurimum. Si Christiani sumus, boni simus in opere. Fili! nolimus solum videri; judicia hominum fallunt; non verò opera virtutum. Judicet nos Deus! quid homines ad nos?

Instructio meritoria.

Procul cum hypocrisi, & pietate ad speciem! ut possideamus virtutem solidam, Spiritum Sanctum cum septem donis hodie invocemus, & minus Officium de Eo recitemus. Ecce ut ambulemus